

修訂日期: 2006/04/12 發行日期: 2007/3/7

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 85, No. 2872

原始資料: 蕭鎮國大德提供, 陳妙如大德輸入, 北美某大德提供

No. 2872

妙法蓮華經度量天地品第二十九

爾時觀世音菩薩摩訶薩□□□□□□服偏袒右肩頭面著地。為□作禮胡跪合掌而白佛言。世尊我等無量諸菩薩眾并及一切諸天人等。以於佛前廣聞諸法敷演解說妙法華經。心淨踊躍得未曾有。重白佛言。世尊我常晝夜周旋往返十方一切無量世界教化眾生。未知天地深淺近遠。唯願世尊為我解說令我大眾悉皆得聞。

爾時佛告觀世音菩薩摩訶薩□□恒河沙諸菩薩等。汝今諦聽□□□之。吾當為汝分別解說。如是大地深二十億萬里。次有潤澤亦深二十億萬里。次有金銀琉璃車渠馬瑙珊瑚琥珀諸妙珍寶深四十億萬里。次有金粟深八十億萬里。次有銀剛亦深八十億萬里。次有銀粟深百億萬里。次有金剛深二百億萬里。下有無極大風稱其天地不使傾動。其大地者是天之梁柱。何以故。天下所有一切萬物皆因於地。及□□□□□河大海小海汎瀾井谷卉木聚林藥草諸樹皆地生長。土山里山小鐵圍山及彌樓山金剛山須彌山等。如是一切眾妙寶山諸山中王。四寶涌成高出一切眾妙寶山。皆因大地涌出珍寶而共合成。又須彌山王四寶涌成高出一切諸世間上。何等為四。南名琉璃。西名頗梨。北名馬瑙。東名黃金。四寶光炎照耀四方。天下眾生共相瞻視謂名為天。須彌山者是天主護世四鎮依止而住。何等為須彌山南有無量七寶宮殿。去地百萬里。中有天王名毘。